

**Grupo sa mga batan-on sa Braulio E. Dujali,
gipasidunggan isip TAYO Mindanao Area Finalist**

Ni: Edgar L. Taladhay

Napili karong tuiga isip *Mindanao Area Finalist* sa *Search for Ten Accomplished Youth Organizations (TAYO)* ang grupong **KLIMA** o **Kilos-kabataan** para **Labanan, Ibsan** at **Mapabagal** ang pag-init ng mundo nga naka-base sa lungsod sa Braulio E. Dujali, Davao del Norte. Gitunol ang maong pasidungog sa grupong KLIMA nga gidawat sa ilang *Presentor* nga si Yvone Grace Besinga atol sa *Mindanao Area Finals* nga gipahitabo niadtong Septembre 23, 2011 sa *Grand Regal Hotel, Davao City*. Ang *T.A.Y.O. Search* usa ka tinuig nga proyekto sa pagpanguna sa *National Youth Commission (NYC)* nga ubos sa *Office of the President* diin tumong niani mao ang pag-ila ug pagpasidungog sa mga *youth organizations all through-out the country* nga adunay talagsaong kontribusyon diha sa ilang komunidad sa bisan hain niining mga mosunod nga kategorya : Sining (*Arts*), Kalikasan (*Environment*), Teknolohiya (*Technology*), Kabuhayan (*Entrepreneurship*), Edukasyon (*Education*), Kalusugan (*Health*), Kabutihang-asal (*Values*), Kaligtasan (*Rescue and Safety*), Pagkalinga (*Social Services*) ug Kultura (*Culture/Traditional Arts*).



TEN ACCOMPLISHED YOUTH ORGANIZATIONS. Makita sa hulagway sila si *KLIMa Presentor Yvone Grace Besinga (5th from left)* uban sa *adviser* nga si Edgar Taladhay samtang gidawat ang *Plaque of Appreciation* gikan ni *SKF Prov'l. President Board Member Eugene Katrina Estrada*. Makita usab si *Hon.SKF President Ar-Ar Facula* ug uban pang *SKF Presidents* gikan sa nagkalain-laing munisipyo ug siyudad sakop sa Davao del Norte.

Namugna niadtong *April 22, 2009*, ang *KLIMa organization* nga gilangkuban sa mga kabatan-onan sa lungsod sa Braulio E. Dujali mapadayunon sa gipanghingusgan nilang adbokasiya may kalabot pagpakunhod sa epekto ug kadaut mugna sa *Climate Change* ug *Global Warming*. Walay hunong nga pakig-alayon sa mga *government agencies and private sector* ang ginahimo sa grupo para sa ilang nasugdang programang pang-kinaiyahan sama sa *Symposium on Climate Change and Global Warming; Tree Growing activities, Basura Mo, i-Art Mo (From Trash to Art); Krayola ng Kabataan para sa Kalikasan, Earth Day Activities* ug daghan pang mga kalihukan para dasigon, ilabi na ang sektor sa mga kabatan-onan diha sa natad sa pag-amping ug pag-amuma sa atong kinaiyahan.

Namugna ang grupong *KLIMa* pinaagi kang *MENRO Edgar Taladhay* sa lungsod sa Braulio E. Dujali kansang grupo nga *Visayan Village Green Brigade* ang nahimo usab nga *TAYO National Winner* niadtong *2003* nga gipasidungog sa *Ceremonial Hall, Malacañang, Manila*.

Giila usab sa *Municipal Government of Braulio E. Dujali* pinaagi ni *Mayor Lolita A. Moral* ug Bise Mayor *Sammy Pacres* ang kadaugan nga naangkon sa *KLIMa organization*. Dugang usab nga pag-ila gikan sa *Provincial Sangguniang Kabataan Federation (PSK)* sa Davao del Norte ang kadaugan sa maong grupo pinaagi sa *Re-enactment of Award* nga gipangunahan ni *PSKF President Hon. Eugene Katrina Estrada* atol sa ilang *Monthly Meeting* niadtong *October 9, 2011* diin ang *host municipality* mao ang lungsod sa Braulio E. Dujali nga girepresentahan ni *Municipal SKF Hon. Marcelino "Ar-Ar" Facula*.